

Čuvgehuslávdegoddi**Áigi** 27.09.2017 dmu 10:10 - 11:34**Báiki** Váldostivrasále**Giedahallon áššit**

§	Bajilčála	Siidu
132	Lágalašvuohta ja mearridanváldi	4
133	Beavdegirjji dárkkisteaddjiid válljen	5
134	Bargoortnega dohkkeheapmi	6
135	Ohcejohnjálmmi skuvlla bargoplána lohkanjahkái 2017-2018	7
136	Gáregasnjárgga skuvlla bargoplána lohkanjahkái 2017-2018	8
137	Njuorggáma skuvlla bargoplána lohkanjahkái 2017-2018	9
138	Sámelogahaga bargoplána lohkanjahkái 2017-2018	10
139	Davvisámegiela giellalávgunoahpahusa ovddideapmi Ohcejogas	11
140	Árbedihtorastit – kultuvrra dárbbuin vuolgi programmeren oahpahussii	13
141	Riekkesdoaimma mánggabealagahttin Ohcejogas	14
142	Iežasa eretcealkin ealáhahkii báhcima geažil	15
143	Gaskaboddosaš beaivedivššu beaivemávssu dárkkisteapmi	16
144	Soahpamuš beaivedivššus Deanu gielddain	17
145	Gáregasnjárgga beaiveruovttu bargiidressat	18
146	Njuorggáma giellabeasi vuodđudeapmi	20
147	Girjerádjomávssuid nuppástus	22
148	Girjeráju namarievdadanevttohus	24
149	Ealligovvadoaimma álggaheapmi	27
150	Álša- ja lihkadansáliid geavaheapmi fitnodat-/PT/dahje vástideaddji doibmii	30
151	Virgelohpeohcamuš	33

Oassálastit

	Namma	Dmu	Bargu	Lassediedut
Báikkis	Aikio Elle Kaaren	10:10 - 11:34	Ságadoalli	
	Aurala Paula	10:10 - 11:34	Lahttu	
	Näkkäljärvi-Länsman Anna	10:10 - 11:34	Várrelahttu	
	Länsman Maija	10:10 - 11:34	Várrelahttu	
Eret	Seurujärvi Pirjo		Várreságadoalli	
	Simonen Esa		Lahttu	
	Guttorm Riikka		Lahttu	
	Guttorm Urho		Lahttu	
	Sajjets Mika		Lahttu	
	Laiti Niila		Várrelahttu	
	Ahlakorpi Anni		Várrelahttu	
	Aurala Arto		Várrelahttu	
	Niittyvuopio Indira		Várrelahttu	
	Rasmussen Torkel		Várrelahttu	
	Tieva-Niittyvuopio Vuokko		Gielddahoavda	
	Tapiola Ilmari		Gr:a ságadoalli	
Eará	Arola Laura	10:10 - 11:34	Rektor-čuvgehus- doaimmahoavda, áššemeannudeaddji	
	Aikio Maria Sofia	10:10 - 11:34	Dulka	
	Guttorm Pilvi	10:10 - 11:34	Beavdegirjedoalli	

Vuolláičállosat

ságadoalli
Elle Aikio

beavdegirjedoalli
Pilvi Guttorm

Giedahallon áššit

132 - 151

Beavdegirji dárkkisteapmi

28.9.2017

Maija Länsman

Anna Näkkäljärvi-Länsman

Beavdegirji lea dollojuvvon almmolaččat oaidninláhkai

Čuvgehusdoaimmahagas 04.10.2017 09:00

Pilvi Guttorm

Beavdegirji dárkkisteaddjit:

Čuvgehuslávdegoddi

§ 132

27.09.2017

Lágalašvuohta ja mearridanváldi

Čuvlg 27.09.2017 § 132

Čoahkkin gávnnavuvvo leat lágalaččat čoahkkáibovdejuvvon ja mearridanválddálaš.

Mearrádus:

Dohkkehuvvui.

Čuvgehuslávdegoddi

§ 133

27.09.2017

Beavdegirji dárkkisteaddjiid välljen

Čuvlg 27.09.2017 § 133

Válljejuvvojit čoahkkimii guokte beavdegirjedárkkisteaddji.

Mearrádus:

Beavdegirji dárkkisteaddjin välljejuvuiga Maija Länsman ja Anna Näkkäljärvi-Länsman.

Čuvgehuslávdegoddi

§ 134

27.09.2017

Bargoortnega dohkkeheapmi

Čuvlg 27.09.2017 § 134

Evttohus:

Čuvgehuslávdegoddi dohkkeha áššiid gieđahallanortnega čoahkkima evttohuslisttu mielde.

Mearrádus:

Dohkkehuvvui.

Ohcejohnjálmmi skuvlla bargoplána lohkanjahkái 2017-2018

189/12.00.01/2017

Čuvlg 27.09.2017 § 135

Ohcejohnjálmmi skuvlla rektor ovttas oahpaheaddjiiguin lea dahkan lohkanjahkái 2017-2018 bargoplána, mii lea dás lassemateriálan.

Ášši válmmaštalai Ohcejohnjálmmi skuvlla rektor Eeva-Liisa Rasmus-Moilanen

Evttohus:

Čuvgehuslávdegoddi dohkkeha Ohcejohnjálmmi skuvlla bargoplána lohkanjahkái 2017-2018.

Mearrádus:

Bargoplána jorgalus ii leat vel boahtán ja ášši gieđahallan sirdojuvvo čuovvovaš čoahkkimii.

Gáregasnjárgga skuvlla bargoplána lohkanjahká 2017-2018

190/12.00.01/2017

Čuvlg 27.09.2017 § 136

Gáregasnjárgga skuvlla veahkkerektor lea ovttas oahpaheaddjiiguin válmmaštallan lohkanjahká 2017-2018 bargoplána, mii lea dás lassemateriálan.

Ášši válmmaštalai Gáregasnjárgga skuvlla veahkkerektor Pirjo Länsman-Kiimalainen.

Evttohus:

Čuvgehuslávdegoddi dohkkeha Gáregasnjárgga skuvlla bargoplána lohkanjahká 2017-2018.

Mearrádus:

Bargoplána jorgalus ii leat vel bohtán ja ášši gieđahallan sirdojuvvo čuovvovaš čoahkkimii.

Njuorggáma skuvlla bargoplána lohkanjahkái 2017-2018

191/12.00.01/2017

Čuvlg 27.09.2017 § 137

Njuorggáma skuvlla veahkkehoavda lea ovttas oahtaheaddjiiguin dahkan lohkanjahkái 2017-2018 bargoplána, mii lea dás lassemateriálan.

Ášši válmmaštalai Njuorggáma skuvlla veahkkehoavda Sisko Länsman.

Evttohus:

Čuvgehuslávdegoddi dohkkeha Njuorggáma skuvlla bargoplána lohkanjahkái 2017-2018.

Mearrádus:

Bargoplána jorgalus ii leat vel bohtán ja ášši gieđahallan sirdojuvvo čuovvovaš čoahkkimii.

Sámelogahaga bargoplána lohkanjahkái 2017-2018

192/12.00.01/2017

Čuvlg 27.09.2017 § 138

Logahaga rektor lea ovttas oahpaheaddjiiguin dahkan lohkanjahkái 2017-2018 bargoplána, mii lea dás lassemateriálan.

Ášši válmmaštalai logahaga rektor Eeva-Liisa Rasmus-Moilanen.

Evttohus:

Čuvgehuslávdegoddi dohkkeha Ohcejoga sámelogahaga bargoplána lohkanjahkái 2017-2018.

Mearrádus:

Bargoplána jorgalus ii leat vel boahtán ja ášši gieđahallan sirdojuvvo čuovvovaš čoahkkimii.

Čuvgehuslávdegoddi	§ 157	16.12.2016
Čuvgehuslávdegoddi	§ 139	27.09.2017

Davvisámegiela giellalávgunoahpahusa ovddideapmi Ohcejogas

196/12.00.02/2016

Čuvlg 16.12.2016 § 157

Oahpahusráđđehus lea mieđihan davvisámegiela giellalávgunoahpahusa ovddidanfidnui 24 000 € (Mearrádus 1.7.2016 33/578/2016). Doarjja gokčá 80 % fidnu manuin, nu ahte iešruhtadanoassi lea 6 000 € go fidnu ollislašnettomanut leat 30 000 €. Doarjaga geavahanáigi álgá mearrádusbeaivvi rájes ja nohká 31.12.2017.

Iešruhtadanoassi várrejuvvon jagi 2017 bušehtti Čuvgehusdoaimma ovddidanruđaide.

Fidnu plána lea oaidninláhkai čoahkkimis sihke manjá skuvladoaimmahagas.

Doarjja lea máksojuvvon gieldda kontui 31.8.2016.

Ášši válmmaštala vd. čuvgehushoavda-reaktor Marjatta Krogerus.

Evttohus:

Lávdegoddi evttoha ruhtadeami sirdima jagi 2017 bušehtti oppalohká, go fidnu ii álggahuvvon velá jagi 2016 bealde.

Mearrádus:

Dohkkehuvvui.

Čuvlg 27.09.2017 § 139

Oahpahusráđđehus lea mearridan mieđihit stáhtadoarjaga fidnui 6/578/2017 Davvisámegiela giellalávgunoahpahus Ohcejoga gielddas.

Oahpahusráđđehus mieđiha doarjaga fidnui 20 000 €. Fidnui dohkkehuvvon oppalašnettomanut leat oktiibuot 25 000 €. Stáhtadoarjjaproseanta lea 80%.

Fidnus jotkojuvvo Ohcejohnjálmmi skuvllas álggahuvvon guovttegiela luohká oahpahus ja doaimma, viiddiduvvo guovttegiela oahpahus dárbbu ja vejolašvuodaid mielde gieldda eará skuvllaide ja biddjojuvvo resurssat sámi guovttegiela oahpahusa ovddideapmái ja metodaide. Plánejuvvo ja ollašuhhto iskkadallandoaimman giellalávgunmetoda árrabajásgeassimis Njuorggáma gilis. Ášši válmmaštala čuvgehushoavda-reaktor Laura Arola.

Beavdegirjji dárkkisteaddjit:

Čuvgehuslávdegoddi	§ 157	16.12.2016
Čuvgehuslávdegoddi	§ 139	27.09.2017

Evttohus:

Čuvgehuslávdegoddi ohcá Oahpahusráđđehusas lobi sirdit fidnu álggaheami jagi 2018 álgui ja fidnu iešvástuoassi válđojuvvo vuhtii bušehta 2018 válmmaštallamis.

Mearrádus:

Dohkkehuvvui.

Čuvgehuslávdegoddi

§ 140

27.09.2017

Árbedihtorastit – kultuvrra dárbbuin vuolgi programmeren oahpahussii

180/12.00.00/2017

Čuvlg 27.09.2017 § 140 Oahpahusráđđehus lea mieđihan doarjaga fidnui Árbedihtorastit – kultuvrra dárbbuin vuolgi programmeren oahpahussii 16 520 €. Fidnui dohkkehuvvon ollesnettomanut leat oktiibuot 20 700 €. Stáhtadoarjjaproseanta lea 79,9%.

Fidnus figgojuvvo fáhtet ođđa oahppoplána hálduiváldima programmerema oasil sáme kultuvrra referensarámas. Ulbmilii figgat beassat ordnemiin oahpaheaddjiide ja oahppiide iešguđetlágan kulturdimenšuvnna sisttisdoalli bargobájiid programmeremis. Bargobájiin váldojuvvojit háldui programmerema oahppoplánas máinnašuvvon guovddáš doahpagat, nugo robotihkka, automatihkka ja programmeren ja heivehuvvojit ohppojuvvon áššit kulturkonteavsttas. Oahpaheaddjit dahket plánaid programmerema oahpaheapmái mánggahámat barganvugiiguin ja sierralágan veahkkeneavvuiguin. Plánaide ja geavatlaš ollašuhhtimii oažžu rávvagiid fidnus. Fidnu boađusin šaddá ođđa oahppoplána miel dásaš čehppodat nu oahpaheaddjiide go oahppiide, muhtun veardde oahppamateriála sihke oahpahusvuogit programmerema oahpaheapmái sáme guovllus sihke dain skuvllain, main leat sámeoahppit.

Fidnu álgá 1.9.2017 ja nohká 30.6.2019.
Fidnoohcamuš oaidninláhkai čoahkkimis.

Ášši válmmaštalai čuvgehus hoavda- rektor Laura Arola.

Evttohus:

Čuvgehuslávdegoddi dohkkeha fidnu álggaheami dalán ja čujuha fidnu jagi 2017 iešruhtadanoasi (760 euro). Loahppa iešruhtadanoasis čujuhuvvo jagi 2018 bušehtti.

Mearráduš:

Dohkkehuvvui.

Riekkedoaimma mánggabealagahttin Ohcejogas

178/12.00.02/2017

Čuvlg 27.09.2017 § 141

Oahpahusráđđehus lea mieđihan stáhtadoarjaga fidnui 247/571/2017 Riekkedoaimma mánggabealagahttin Ohcejogas.

Oahpahusráđđehus mieđiha doarjaga fidnui 8 400 €. Fidnui dohkkehuvvon oppalašnettomanut leat oktiibuot 12 000 €.

Fidnu geavahanplánas leat ovdanbukton fidnu vejolaš boađut, iešruhtadeapmi ja eará ruhtadeapmi. Sáhtadoarjjaproseanta lea 70%.

Skuvlla riekkedoaimma lágiduvvo skuvlabeivviid, oassin skuvlla doaimma. Doarjaga ii sáhte geavahit iežas sajiid láigogoluide iige giddodatgoluide.

Ohcejoga gieldda mánát ja nuorat dárbbasit lasi asttuáiggedoaimma. Riekkedoaimma ovddideami ulbmilin lea hukset ovtaveardásaš oassálastinvejolašvuodaid rieggáide nu, ahte váldojuvvojit vuhtii giellajoavkkut ja guhkes gaskkat. Fidnus ovddiduvvojit erenomážit boaittoeale guovlluin ássi oahppiid vejolašvuodát oassálastit sosiálalaš doibmii skuvlaáiggi olggobealde. Rieggáid ordnemis váldojuvvojit vuhtii oahppiid beroštumit ja dárbbut. Mánát ja nuorat dahkkojuvvojit oasálažžan sidjiide guoski áššiid válmmaštallamii ja daidda laktáseaddji mearrádusdahkamii. Erenomáš deaddosuorgin fidnus mánáide ja nuoraide fállujuvvo vejolašvuolta buoridit TVT-čehppodagaset ja oassálastit sámegielat speallodoaimma ovddideapmái, mii gielddas lea dál jođus, ja ná láchit ođđa beroštahti sámegielat heivehusaid.

Fidnu álgá dalán ja nohká 31.12.2018.

Ášši válmmaštalai čuvgehusjoavda-reaktor Laura Arola.

Evttohus:

Čuvgehuslávdegoddi mearrida álggahit fidnu dalán ja čujuha iešvástuoasis 1/3 (1200 euro) jagi 2017 čuvgehusdoaimma ovddidanfidnuin. Jagi 2018 iešvástuoassi váldojuvvo vuhtii bušehta dahkama oktavuodas.

Mearrádus:

Dohkkehuvvui.

Čuvgehuslávdegoddi

§ 142

27.09.2017

iežasa eretcealkin ealáhahkii báhcima geažil

196/01.01.04/2017

Čuvlg 27.09.2017 § 142

Gáregasnjárgga skuvlla luohkáoahpaheaddji Toivo West lea 1.9.2017 beivejuvvon reivviinis almmuhan cealkit iežasa eret virggistis ealáhahkii báhcima geažil 1.12.2017 rájes.

Ášši válmmaštalai čuvgehushoavda-reaktor Laura Arola.

Evttohus:

Lávdegoddi mieđiha earu.

Mearrádus:

Dohkkehuvvui.

Čuvgehuslávdegoddi

§ 143

27.09.2017

Gaskaboddosaš beaivedivššu beaivemávssu dárkkisteapmi

187/05.09.00/2017

Čuvlg 27.09.2017 § 143

Gaskaboddosaš beaivedivššus berrojuvvo beaivemáksu, mii lea dál 16,82 euro. Máksu lea dárkkistuvvon nnn.nnn. Loktanan goluid gežil mávssu lea sivva dárkkistit.

Evttohus:

Gaskaboddosaš divššu beaivemáksun bohtá 20 euro/beavi.

Mearrádus:

Dohkkehuvvui.

Soahpamuš beaivedivššus Deanu gielddain

186/05.09.00/2017

Čuvlg 27.09.2017 § 144

Ohcejoga ja Deanu gielddain leamašan beaivedikšui guoski oastobálvalussoahpamuš jagi 2005 rájes. Dán soahpamuša vuođul oassi Deanu gieldda mánáin leamašan Ohcejoga beaiveruovttuin, ja maiddá Ohcejohka lea oastán sámegeielat beaivedivššu Deanu gielddas. Deanu gieldda lea eretcealkán soahpamuša 2015. Dárbu dikšosoahpamuššii lea goit fas albmanan ja Deanu gielddas lea evttohuvvon, ahte soahpamuš jotkojuvvo ovdešláganin.

Soahpamuššii merkejuvvon beaivedikšomávssu buhtadusbearrama lea sivva dárkkistit. Buhtadusbearrama vuođđun lea gieldda mánnaguovdasaš manut árrabajásgeassimis. Rehkenastima vuođđun sáhtá geavahit jogo oppa gieldda mánnaguovdasaš manuid dahje Ohcejohnjálmmi sámegeielat beaiveruovttu manuid.

Buhtadusbearran oppa gieldda beaivedivššus **105,27 €**
Buhtadusbearran Duottaraskkis **69,30 €** per beaivi

Soahpamušvuođđu oaidninláhka čeahkkinimis.

Ášši válmmaštalaiga Laura Arola ja Tea Raudasoja

Evttohus:

Čuvgehuslávdegoddi dohkkeha beaivedikšosoahpamuša Deanu gielddain ovddit soahpamuša vuođul ja dárkkista buhtadusbearrama vuolginhaddin 2017 sámegeielat beaivedivššu buhtadusbearrama **69,30 €** per beaivi.

Mearrádus:

Dohkkehuvvui.

Gáregasnjárgga beaiveruovttu bargiidresurssat

184/05.09.00/2017

Čuvlg 27.09.2017 § 145

Gáregasnjárgga beaiveruovttus leat 4 virggi dahje doaimma:

- mánáidgárdeoahpaheaddji virgi
- mánáiddikšára doaimma
- bearašbeavedikšára doaimma
- giellabeasi mánáiddikšára doaimma

Dáin okta doaimma lea fásta devdojuvvon. Giellabeassejođiheaddji bálkárudat bohtet Sámedikki giellabeassedoarjaga bokte, ja danin bargogaskavuolta mearreáigásaš. Mánáidgárdeoahpaheaddji virgi ja nubbi mánáiddikšára doaimma leat mearreáigásaččat devdojuvvon, dasgo gelbbolaš ohccit eai leamaš.

Gáregasnjárgga beaiveruovttu mánáid mearri lea geahppánan ja maŋimus jagiin mánát ja dikšobeavvit leamašan uhcán bargiidresurssa ektui. Láhka gáibida árrabajásgeassima lágideaddjis, ahte joavkkus lea okta bajásgeassi per 4 vuollel 3-jahkásaš máná ja okta bajásgeassi per 8 badjel 3-jahkásaš máná (Ohcejogas lea dollojuvvon ovddeš badjel 3-jahkásačča rádjá 7 máná). Gáregasnjárggas leamašan dál divššus 4 máná, ja golgotmánus meari vurdet lassánit 8 mánnái.

Sámegiela árrabajásgeassimis galgá maid sierra fuopmášahttit, ahte mánáid giellamáhttu molsašuddá sakka ja gáibida ollu bajásgeassiid fuopmášumi, nugo maddái dat, ahte materiálat eai leat seammaláhkai oažžumis go suomagiela árrabajásgeassimis. Dáidige áššiid vuhtiiválddedettiin lea goit čielggas, ahte dál ja vuordimis maddái boahte jagi bargiid mearri Gáregasnjárggas lea menddo stuoris mánáid meari ektui. Vai ovtaveardásašvuolta ovttagaid gaskkas ja dássedettolaš gielaeconomia dikšun ollašuvvet, berre bargiid meari guorahallat ođđasit.

Go gearddi čovdosis leat váikkuhusat bargiid bargodillái, gullat sin áššis 21.9.2017.

Meari balanseremii lea okta váldočoavdinevttohus: guđđojuvvo nubbi mearreáigásaš doaimmain deavddekeahtá. Čovdosa váikkuhusat:

1. Jos nubbi mánáiddikšára doaimma guđđojuvvo deavddekeahtá, dilli joatkašuvvá muđui dego ovdalge.

2. Jos mánáidgárdeoahpaheaddji doaibma guđđojuvvo deavddekeahtá, Gáregasnjárgga beaiveruoktu rievdá stáhtusa beales joavkobearašbeaiveruovttu ovttadahkan.

Joavkobearašbeaiveruoktu lea dábálaš čoavddus dilis, mas mánáid mearri lea vuollái 12. Čoavdinmolssaeavttu 2 lea vejolaš manjá rievdadit ja rahpat mánáidgárdeoahpaheaddji virggi ođđasit ohcanláhkai, jos mánáid mearri lassána.

Čoahkkimis oaidninláhkai bargiid gullama beavdegirji.

Ášši válmmaštalaiga Laura Arola ja Tea Raudasoja

Evttohus:

Gáregasnjárgga beaiveruovttu dilli lea rievdan ášši válmmaštallanmuttus, dasgo beaiveruktui leat almmuhuvvon lasi mánát dikšui, iige dárbu bargiidresssaid heiveheapmái leat.

Bargiid ja fuolaheaddjiid gullamis bohte goit ovdan eará áššit, mat sávvojuvvojedje biddjot diehtun lávdegoddái. Erenomážit fuopmášumit gusket beaiveruovttu doaibmasajiid ja olgobirrasiid ja daid geavaheami ja dorvvolašvuoda buorideami.

Čuvgehuslávdegoddi merke diehtun beaiveruovttu bargiidresssa ođđa dárbbu ja bargiid ja fuolaheaddjiid doaibmasajiide guoski fuopmášahttimat biddjojuvvojit diehtun tehnikkalaš doibmii.

Mearrádus:

Dohkkehuvvui.

Čuvgehuslávdegotti sámegiela juogus	§ 5	15.09.2017
Čuvgehuslávdegoddi	§ 146	27.09.2017

Njuorggáma giellabeasi vuodđudeapmi

185/05.09.00/2017

Čuvlgsáj § 5

Sámediggi lea mearrádusainis 15.5.2017 (Dno 261) juolludan Ohcejoga gildii sámi kultur- ja giellabeassedoaimmas dohkkehanvuloš goluide 2017 106 080 euro, mas Gáregasnjárgga giellabeassái lea čujuhuvvon 50 150 euro.

Gáregasnjárgga giellabeasi mánáid mearri ii leamašan dan dásis go lei vurdojuvvon ja ruhta ii gola ollásit Gáregasnjárgga giellabeasi doibmii. Seamma áigge Njuorggáma, Ohcejoga gieldda goalmmát giliguovddáža, váhnemat leat váldán oktavuoda gildii ja ohcan giellabeassebáikkiid iežaset mánáide.

Ohcejoga gielddas sámegiela giellamolsun lea ovdánan guhkimussii Njuorggámis, ja dálá smávvamánáid váhnemiin stuoramus oassi ii ieš hála sámegiela. Beroštupmi giellabeassái lea sámebearrašiin goit stuoris, ja 9 beaivedivššu máná oasil váhnemat leat sávvan giellabeasi, ja eanetge leat juo ovdanboahmán olbmot, geat leat beroštuvvan giellabeasis. Dál Njuorggámis lea maid oazžumis gelbbolaš sámegiela bargi (bearašbeaivedivššár + mánáidgárdeoahpaheioahput).

Sámedikkis lea ohccojuvvon nuppástus mearrádussii (DNo 261) nu, ahte Gáregasnjárgga giellabeassái juolluduvvon ruhtadeamis oktiibuot oassi sirdojuvvo geavahanláhkai Njuorggáma giellabeasi vuodđudeapmái ja doaimmagoluide. Sámediggi lea almmuhan, ahte gielda sáhtta geavahit ruđaid heivvolaš vugiin gieldda giellabesiid gaska.

Giellabeasi lágan doaimma lea álggahuvvon 14.8.2017; fásta giellabeassi dárbaša bissovaččat iežas doaimmasajiid. Sadjeráđđádallamat leat jođus.

Ášši válmmaštalai čuvgehusjoavda-reaktor Laura Arola.

Evttohus:

Giellajuogus evttoha lávdegoddi giellabeasi vuodđudeami Njuorggámii ja bušehtti Gáregasnjárgga giellabeassái merkejuvvon váriid sirdima odđa goasttádusbáikái (Njuorggáma giellabeassi) čuvvosa mielde.

Mearrádus:

Ohcejoga gielda		Beavdegirji	6/2017	20
Čuvgehuslávdegotti sámegeilat juogus	§ 5	15.09.2017		
Čuvgehuslávdegoddi	§ 146	27.09.2017		

Mearrádus evttohusa mielde.

Čuvlg 27.09.2017 § 146

Evttohus:

Čuvgehuslávdegoddi dohkkeha giellajuhkosa evttohusa, man mielde 17 949,60€ Gáregasnjárgga giellabeassái čujuhuvvon ruhtadeamis sirdojuvvo Njuorggáma giellabeassái.

Mearrádus:

Dohkkehuvvui.

Girjerádjomávssuid nuppástus

151/12.03.02/2017

Čuvlg 27.09.2017 § 147

Ohcejoga gielddagirjerádju lea ovttas eará Lappi girjerájuiguin sirdásan geavahit Koha –girjerádjovuogádaga 2.5.2017. Lappi girjeráju stivrenjoavku lea ovttas soahpan ođđa oktasaš girjerádjomávssuin. Oktasaš mávssut leat Lappi girjerájuid kompromissa buoridit áššehasbálvalusa ja ovddidit dan eanet ovtaveardásaš guvlui.

Ohcejoga gielddagirjeráju ovddit nannejuvvon mávssut leat miessemánus 2010. Mávssuid galgá beavidit earet eará girjerádjolága ođastusa sihke Lappi girjerájuid oktasaš hathtiid nuppástusaid geažil.

Ovdal anus leamašan fievrridan- ja várrenmávssut eai leat šat, dasgo ođđa girjerádjolága mielde várrenmávssut eai šat berrojuvvo. Dat álkidahtá áššehasa sihke vuolida šielmmá várret girjiid eanet go ovdal. Lappi girjerájuin lea anus maid oktasaš várrenráidu, mii dahká vejolažžan guovloluoikkahemiid doaimmaheami Lappi guovllu girjerájuide jođánabbot.

Ovddit hattit Ohcejoga gielddagirjerájus:

- Njađđosa várrenmáksu 2 €
- Maŋŋonanmáksu 1 €
- Njađđosa fievrridanmáksu 1 €
- Gáiddusluoikkahanmávssut omd. universitehtagirjerájuin sáddejuvvon njađđosa duođalaš goluid mielde
- Rehketbearranlassi 4 €

Lappi girjerájuid oktasaččat mearriduvvon ođđa hattit:

- Máhcahanávžžuhus 2 €, nubbi ávžžuhus 3 € fuolakeahtá sáddenvuogis
- Vieččakeahtes várren 2 €
- Ođđa girjerádjokoarta 3 €
- Luoikkaheapmi, ođasmahttin ja várren eastašuvvá, jos mávssut leat 10 € dahje eanet
- Go vealgesaldo manná badjel 10 €, buot mávssuid galgá máksit oktanaga.

Ođđa mávssut Ohcejoga gielddagirjerájus:

- Gáiddusluoikkahanmávssut 9 € / njađus
- Materiála buhtadeapmi vaháguvvan dahje láhpon materiálas sierra buhtadushadderehkenastima mielde
- Čáláhusat ja kopiat:
čáhppesvilgeskopia dahje –čáláhus 0,30 € / siidu
2-bealat čáhppesvilgesčáláhusat 0,50 € / siidu
ivdnečáláhusat 0,50 € / siidu

Ášši válmmaštalai kultur- ja girjerádjodoaimmahoavda Tuija Guttorm

Evttohus:

Čuvgehuslávdegoddi dohkkeha ođđa mávssuid:

- Gáiddusluoikkahanmávssut 9 € / njađus
- Materiála buhtadeapmi vaháguvvan dahje láhpon materiálas sierra buhtadushadderehkenastima mielde

- Čáláhusat ja kopiat:

čáhppesvilgeskopia dahje -čáláhus 0,30 € /siidu

2-bealat čáhppesvilgesčáláhusat 0,50 € / siidu

ivdnečáláhusat 0,50 € / siidu

Mearráduš:

Dohkkehuvvui.

Čuvgehuslávdegoddi

§ 28

21.03.2016

Čuvgehuslávdegoddi

§ 148

27.09.2017

Girjeráju namarievdadanevttohus

43/12/2016

Čuvlg 21.03.2016 § 28

Dán jagi šaddá gollan 100-jagi dassážis go ohcejohkalaš, Badje-Jalvvis bajásšaddan, Pedar Jalvi (Lemehaš-Biehtár) jámii. Jagi 2015 lei gollan 100-jagi Jalvvi čáppagirjjálašvuođa beakkán barggu "Muohtacalmmit" almmustahttimis. Pedar Jalvi adnojuvvo vuosttas Suoma sápmelaš girječállin, gii earet eará čohkkii ja čálii Deanuleagi sápmelaččaid máidnasiid sihke árbedieđuid ovdamearkka dihtiii sápmelaš headjadábiin.

Ohcejoga gielddagirjerájus lei sámiid álbmotbeaivve 6.2.2016 Pedar Jalvi -čájáhusa rahpandilálašvuohta. Čájáhusa leat čohkken Siida – musea sihke Sámi allaskuvla ovttas Sámevuorkkáin. Dilálašvuođas sága dolle Sámi allaskuvlla professor Vuokko Hirvonen sihke emeritusprofessor Pekka Sammallahti.

Vuokko Hirvonen muitalii rahpandilálašvuođas viidát Pedar Jalvi eallimis, girjjálašvuođa buktagiin sihke Jalvi mearkkašumis sápmelaččaide. Iežas sága loahpas Hirvonen buvtii ovdan Ohcejoga kulturdoibmii sávaldaga, ahte Ohcejoga gielddagirjeráju namma rievdaduvvošii Pedar Jalvi girjerádjun. Evttohusii leat buorit vuođustallamat. Nammarievdadus ovddidivččii Deatnoleagi sápmelaččaid identitehta, buvttášii lasseárvvu girjerádju sihke nannešii girjeráju ja Ohcejoga gieldda sajádaga nu riikkaviidosáččat go rájaid olggobealdege. Dasa lassin Ohcejoga gielddagirjerájus lea guhkes historjá sámegiela, eandalit Ohcejoga guovllu sámiid guoski materiála čohkkejeaddjin.

Ohcejoga gielddagirjerádju lea guovttegielat girjerádju, mii geahččala doaimmainisguin ovddidit sámegiela geavaheami, sihke lasihit sápmelaš kultuvrra dovdama.

Ášši válmmaštalai girjerádjo- ja kulturdoaimmahoavda Tuija Guttorm

Evttohus:

Girjerádjo- ja kulturdoaimmahoavda evttoha, ahte Vuokko Hirvonena sávaldat váldojuvvo vuhtii ja ahte Ohcejoga gielddagirjeráju namma rievdaduvvo Pedar Jalvi girjerádjun.

Mearrádus:

Pirjo Seurujärvi evttohii, ahte čielggaduvvo mo Pedar Jalvi (Lemehaš Biehtár) ja su buvttadusat oidnojit dál ja mo boahta oidnot girjerájus

Čuvgehuslávdegoddi

§ 28

21.03.2016

Čuvgehuslávdegoddi

§ 148

27.09.2017

ja leago su nama geavaheapmi juridihkalaččat vejolaš. Torkel Rasmussen guottihii Seurujärvi evttohusa.

Lávdegoddi dohkkehii Seurujärvi evttohusa ovttamielalaččat.

Čuvlg 27.09.2017 § 148

Jagis 2016 lei gollan 100 jagi das, go ohcejohkalaš, Badje-Jalvvis rieġadan, Lemehaš-Biehtár, Pedar Jalvi jámii. Jagis 2015 lei gollan 100 jagi Jalvvi čáppagirjjálašvuoda beakkán barggu, "Muhtačalmmit" almmustahttimis. Pedar Jalvi adnojuvvo Suoma vuosttas sámi ja sámegielat girječállin. Oahpaheaiseminára áigge 1913-1915 son čokkii Deatnoleagi sápmelaččaid máidnasiid ja árbedieđu. Dat almmustahttojuvvojedje jagis 1966 girjjis: Sabmelažžai maidnasak já muihtalusak: Lappalaisten satuja ja tarinoita.

Ohcejoga gielddagirjerájus dollojuvvui sámi álbmotbeaivve 6.2.2016 Pedar Jalvi -čájáhusa rahpandilálašvuolta. Čájáhusa leat čohkken Siida –musea sihke Sámi allaskuvla ovttas Sámearkiivvain. Dilálašvuodas sáhkavuoru doalai Sámi allaskuvlla professor, čájáhusa giehtačállosa dahkan, Vuokko Hirvonen.

Vuokko Hirvonen mitalii rahpandilálašvuodas viidát Pedar Jalvvi eallimis, girjjálašvuoda buktagiin sihke Jalvvi mearkkašumis sámiide. Sáhkavuorus loahpas Hirvonen buvttii ovdan Ohcejoga kulturdoibmii sávaldaga, ahte Ohcejoga gielddagirjeráju namma rievdaduvvošii Pedar Jalvi girjerádjun.

Evttohussii leat buorit ákkastallamat. Pedar Jalvi lea guovddáš olmmoš sámi girjjálašvuoda historjjás. Son lea okta dain sápmelaččain, geat leamašan huksemin vuodu sámegielat girjjálašvuhtii 1900-logu álggus. Pedar Jalvvi girji Muhtačalmmit lea sámi girjjálašvuoda klassihkar ja Jalvvi čállosat leamašan, ja leat ovdamearkan sámi dálá girječállide. Vaikko Jalvvi girjjálaš buvttadusat báhce uhcánin, leamašan sus stuorra rolla sámi girjjálašvuhtii ja dat lea dušše nanosmuvvan maŋimuš vássán čuohte jagi áigge.

Namarievdadeapmi čujuhivččii Pedar Jalvvi árvvu sámi girjjálašvuoda ofelažžan. Seammás dat nannešii báikkálaš ja deatnolaš kultuvrralaš identitehta, sáme kultuvrra árvvu ja oinnolašvuoda. Ođđa namma buvttášii lasseárvvu girjerádjui sihke nannešii girjeráju ja Ohcejoga gieldda sajádaga nu álbmotlaš go riikkaidgaskasaš dásis. Ohcejoga gielddagirjerájus lea maid guhkes historjá sámegielat, eandalit Ohcejoga guovllu sámiide guoski materiála čohkkejeaddjin. Nu mo Pedar Jalvige čohkkii iežas áigge Deatnoleagi njálmmálaš árbedieđu, man atnet dán áigge divrrasin.

Čuvgehuslávdegoddi

§ 28

21.03.2016

Čuvgehuslávdegoddi

§ 148

27.09.2017

Ohcejoga gielddagirjerádju lea guovttegielat girjerádju, mii geahččala doaimmainis ovddidit sámegeiela geavaheami, sihke lasihit sámi kultuvrra dovdamuša. Ohcejoga gielddagirjerádju lea ožžon Pedar Jalvi –čájáhusa skeaŋkan girjerádju. Čájáhus lea bissovaš oassi Ohcejoga gielddagirjeráju. Pedar Jalvi –čájáhusa bálddas lea maiddá Jalvi portreahta kopia, man Pekka Sammallahiti lea skenken Ohcejoga gielddagirjerádju. Portreahta Jalvis lea málen Toivo Salervo ja dan originála iskangeavus lea gávdnon Lappi Čuvgehussearvi doaimmahagas Helssegis.

Ohcejoga kulturdoaimma lea mielde Áilegas-guovddážiin ja Sámeárkiivvain Pedar Jalvi –oahppanspeallodemos. Oaivilin lea ahte demo doarjjošii sámegeiela ja kultuvrra oahppama ja muitala sáme kultuvrras ja historjjás Pedar Jalvi bokte. Spealloprošeavtta duogážiis lea posterčájáhus, mii čohkkejuvvui ovttas Sámemusea Siiddain, Ohcejoga gielddain ja Sámi allaskuvllain jagis 2016. Kulturdoaimma doaimmá seamma sajis girjerájuin ja dan bokte Pedar Jalvi –oahppanspeallu bohtá leat maid Ohcejoga gielddagirjerájus.

Girjerádjo- ja kulturdoaimmahoavda lea dahkan bargogohččosa 5.9.2017 Suomen hankintajuristit -doaimmahakkii Pedar Jalvi nama geavahanvuoigatvuođas. Hankintajuristit lea 14.9. beivejuvvon čielggadusain gávnahan, ahte Ohcejoga gielddagirjerájus lea vuoigatvuohta váldit atnui Pedar Jalvi -nama. Vuodustussan gávnahuvvo earet eará, ahte Pedar Jalvi jápmima olis árbegoddái ii leat sirdásan vuoigatvuohta nammii, baicce opmodahkii. Dasa lassin Pedar Jalvi ii leat registrerejuvvon dávvermearka iige giige oamas vuoigatvuođa Pedar Jalvi nammii.

Ášši válmmaštalai girjerádjo- ja kulturdoaimmahoavda Tuija Guttorm.

Evttohus:

Girjerádjo- ja kulturdoaimmahoavda evttoha, ahte Vuokko Hirvosa sávaldat váldojuvvo vuhtii ja ahte Ohcejoga gielddagirjeráju namma rievdaduvvo Pedar Jalvi girjerádjun.

Mearráduš:

Dohkkehuvvui.

Čuvgehuslávdegoddi

§ 149

27.09.2017

Ealligovvadoaimma álggaheapmi

197/12.03.00/2017

Čuvlg 27.09.2017 § 149

Ohcejoga gieldda kulturdoaimma lea ožžon Suoma ealligovvavuodđudusas (Suomen elokuvasäätio) rusttetháhkandoarjaga gielldakino doaimma álggaheami várás. Dasa lassin Ohcejoga gielda lea veahkehan investerenuhtademiin doaimma. Ealligovvadoaimma álgá 29.9. Áilegas-guovddáža máttabeale dálus, gos čájehuvvo vuosttaseahket ealligovva Sámevarra (Sameblod). Sále nuppástusbarggut leat gárvásat ja rusttegat bohtet vahkus 38.

Ealligovvabileahtaid hattit

Ohcejoga gielldakino bileahta haddi leamašan ovdal 5 € / bileahtta. Dálá haddeevttohusa vuodđun leat geavahuvvon Anára gieldda ealligovvateáhtera Aslak hattit. Ná ovttá ealligovvabileahta haddin bohtá 8 € / bileahtta. Sierra bileahttahattit eai leat ovdamearkka dihte mánáide, oahppiide, bargguhemiide dahje ealáhatolbmuide.

Dálá haddeevttohus, 8 € / bileahtta, čohkiida árvvulassevearus (0,8 €), fierbmemávssu ja bileahttavuovdinuogádaga goluid gokčamis (0,74 € / bileahtta) sihke oppalaš gollodási loktaneamis ovddit ealligovvadoaimma ektui.

Ohcejoga čuvgehuslávdegoddi lea čoahkkimisttis 15.6.2017 dohkkehan Julius várrenuogádaga atnuiváldima sihke CheckOut - fierbmemáksinvejolašvuoda. Ealligovvateáhtera bileahtavárren ja -vuovdin sirdása Julius -várrenuogádahkii. Várrenuogádahkii lea háhkojuvvon CheckOut fierbmemáksinbálvalus, mii lasiha geavaheaddjái vejolašvuoda máksit fierpmis buot bánkkuid máksinboaluiguin. Máksindáhpáhus CheckOut bálvalusa bokte máksá mánotbajis 0 € / mb, máksindáhpáhusain manná 0,50 € /máksindáhpáhus ja 3 % provišuvdna /máksindáhpáhus.

Ealligovvabileahta lea vejolaš máksit maid ruhtan gihtii (manjá maid koarttain) ovdal ealligovvačájáhusa, jos bileahtat báhcet vuovdimassii. Bileahtavuovdimis, mas máksujuvvo ruhtan gihtii, vástida kulturdoaimmahoavda. Manjá bileahtavuovdima sáhtta dikšut oastobálvalussan ovdamearkka dihte Gilidállu Giissá bokte, mii dikšu ealligovvačájáhusa fálademiid, dahje diibmobálkkáin bálkáhuvvon olbmo doaimmas.

Ealligovvateáhter ohcá doarjaga doaimmasis Suoma ealligovvavuodđudusas manjágihtii jahkásaččat, muhto bileahttabođuiguin bastá gokčat muhtun veardde čájáhusas šaddi goluid (ee. sadjeláiggut, bargi bálkágolut) ja fállat vejolašvuodaid mielde nuvttáčájáhusaid ja sierralágan temáealligovaid.

Ealligovvateáhtera nammagilvu

Ohcejoga ealligovvateáhterii dárbbášuvvo doaimma govvideaddji namma. Dálá namma "Kunnankino" (Gielddakino) ii govvit doaimma, mii lea rievdan maŋimuš viđa jagi áigge muđuige go dušše ealligovvarusttegiid oasil. Ealligovvateáhtera namma galggašii maid vástidit gielddastrategia árvvuid. Namas galggašii váldit vuhtii, ahte ealligovvateáhteris galledit sihke suomelaš ja sápmelaš geahččit. Erenomáš deattuhus sámefilmmaid čájeheamis lea ealligovvateáhtera merihitta riikkaviidosáččat sihke geasuha geahččiid maid Norgga bealde. Dasa lassin ealligovvateáhter doaimmá fysalaččat Áilegas-guovddážis, man doaimmaprinsihpan lea ovddidit sámegeiela ja kultuvrra.

Anára ealligovvateáhtera namma lea Aslak. Spiehkastahkan Anára ealligovvadoaimmas Ohcejoga ealligovvateáhter doaimmá Áilegas-guovddážis, man doaimmaprinsihpa lea ovddidit sámegeiela ja kultuvrra. Nammagilvvuin ii nappo ohccojuvvo namma vissui, muhto baicce ealligovvadoibmii, mii doaimmá oassin sámegeiela ja kultuvrra guovddáža. Nuba livččii buorre, ahte namma heivešii maid doaimmaoppalašvuhtii.

Nammagilvvuin sáhtta dieđihit ealligovvateáhtera áššehasaid boahttevaš doaimmas. Seammás oažžut gielddaolbmuid oassálastit teáhtera doibmii, dasgo gielddaolbmot leat sávvan ealligovvateáhtera juo guhká. Ná čujuhuvvo gielddaolbmuide, ahte sii sáhttet leat mielde váikkuheamen.

Nammagilvuu birra almmuhuvvo gieldda interneahitta-siidduin, kulturdoaimma ja Ohcejoga ealligovvateáhtera Facebook-siidduin. Dasa lassin kulturdoaimmahoavda gárvvista dieđáhusa nammagilvvus Inarilainen-aviisii ja Yle Sápmái. Gilvoáigi lea 28.9.-19.10.2017.

Mášendikšu bálkáheapmi

Girjerádjo- ja kulturdoaimmahoavda lea áidna gieldda bálkáhan kulturbargi gielddas. Ealligovvadoibmii lea várrejuvvo bušehttii ruhta maid vejolaš bálkágoluid várás. Ovdalis gielddakino čájáhusaid leat čájehan Ohcejoga gieldda nuorat, geat leat dahkan barggu diibmobálkkáin. Dákkár málle sáhtta doaimmat boahttevuodas maid Ohcejoga ealligovvadoaimma oasil.

Galgá goit váldit vuhtii, ahte nuoraid rávven ealligovaid čájeheapmái gáibida áiggi. Ovddit doaimma ektui earet eará lassánan digitalisašuvnna mielde lea sakka álkit ovdamearkka dihte govvet ealligovvateáhteris ja juohkit sisdoalu ovddosguvlui. Mášendikšu fysalaš bargu lea šaddan álkebun, muhto vástu lea sakka stuorát sihke divrras rusttegiin ja rivtteslágan doaimmas. Ealligovvarusttegiid geavahanskuvlema lea jierpmálaš addit dievasahkásaš mášengeavaheaddjái, gii sáhtášii maŋŋá oahpásmahttit ealligovaid

čájeheapmái maiddá nuoraid ja hukset ealligovaid čájeheami várás mášengeavaheaddjiriegá.

Ášši válmmaštala girjerádjo- ja kulturdoaimmahoavda Tuija Guttorm.

Evttohus:

Čuvgehuslávdegoddi dohkkeha ealligovvateáhtera ođđa bileahtahaddin 8 € / st. Hatti sáhtá ákkastallat fierbmemávssu ja bileahtavuovdinvuogádaga goluid gokčamiin sihke oppalaš gollodási loktanemiin ovddit ealligovvadoaimma ektui.

Čuvgehuslávdegoddi ordne ealligovvateáhtera nammadeami várás nammagilvvu. Gilvoáigi lea 28.9.-19.10., man rádjai nammaevttohusaid galgá doaimmahit čuvgehusdoaimmahakii. Nammaevttohusat rahppojuvvojit čuvgehuslávdegottis ja lávdegoddi vállje buoremus nammaevttohusa. Gilvvu vuotinama evttohan olmmoš oažžu bálkkašupmin jahkái ealligovvabilehtaid ovtt olmui.

Čuvgehuslávdegoddi fápmuda girjerádjo- ja kulturdoaimmahoavdda bálkáhít ealligovvateáhterii mášendikšu ealligovaid boddii diibmobálkkáin. Dás ovddos girjerádjo- ja kulturdoaimmahoavda sáhtá bálkáhít diibmobálkkáin maid nuoraid iežas guorahallama mielde.

Mearrádus:

Dohkkehuvvui.

Álša- ja lihkadansáliid geavaheapmi fitnodat-/PT/dahje vástideaddji doaimmaide

198/12.04.01/2017

Čuvlg 27.09.2017 § 150

Álša- ja lihkadansáliid geavaheamis fitnodatdoaimma sullasaš doaimmaide, PT dahjege personal trainer doibmii dahje eará vástideaddji lihkadan- ja jođihandoibmii, mas váldojuvvo áššehasas máksu, lea boktán sajiid oasil hattiide guoski gažaldagaid. (Gažaldagas nappo eará go gieldda iežas ordnen doaibma). Ovdal dákkár bálvalusat eai leamašan fállun dahje dain ii leamaš jearru/fálaldat, nu ahte bálvalusaid ollašuttima várás sadjeláigguide galggašii meroštallat hatti.

Oppalohkái gieldda sajiid geavaheamis olggobeale doibmii máksojuvvojit láigu/geavahangolut rusttegiin sihke sajiin.

Vulobeal ovdanbukton guokte sierra málle álšasáliid oasil:

Málle 1. Álšasáliid oasil sadjeláigohaddin PT (dahje vástideaddji) galgá máksit álšasále dan bottu haddelisttu miel dásaš geardemávssu per fitnangeardi/áššehas juohke fitnan-/jođihangearddis. PT (dahje vástideaddji) berre fuolahit, ahte sus sihke áššehasas leat álšasálemávssut (geardi/mb/jahkemáksu) fuolahuvvon dán lassin. Dálá álšasále geardemáksu lea 3€/olmmoš. (haddelistu álšasálesiidus)

Málle 2. Álšasáliid oasil sadjeláigohaddin (PT dahje vástideaddji) evttohuvvo haddi 40€/mb per 1-5 áššehasa/mb, ja čuovvovaš 5 áššehasa/mb leat maid 40€/mb jna. Dán PT/fitnodatdoalli dahje eará vástideaddji doaimbi máksá kássai mánnosaččat dahje dat berrojuvvo áššehasmeari mielde mánnosaččat.

Dasa lassin:

- PT/fitnodatdoalli dahje eará vástideaddji doaimbi lea geatnegas almmuhit áššehasmeriid/fitnangerddiid mánnosaččat ja doaimma/sadjegeavaheami birra dahkkojuvvo soahpamuš asttuáiggedoaimmain.

- Jođiheamit sáhttet leat mánnga mánotbaji áigge, muhto álšasále ii giddejuvvo eará áššehasain, baicce PT/fitnodatdoalli/doaimbi ja áššehas doibmet earáiguin oktanaga álšasáles.

- Jođihemiid ii sáhte čađahit dalle go álšasále lea gitta joavkkuid dahje eará dáhpáhusaid áigge.

- PT/fitnodatdoalli/doaimbi vástida sajiin ja biergasiin ja lea geatnegas buhtadit, jos miinu biedgana.

- PT/fitnodatdoalli/doaibmi vástida dárbbášlaš oajuin doaimmas áigge nu alccesis go iežas áššehasaide.
- PT/fitnodatdoalli/ vástideaddji berre áddet čielgasit dan ahte go son bargá gieldda doaibmasajiin, de barggu kvalitehta oasil maid ovddasta gieldda.
- Doaibma ii oaččo headuštit álšasále áššehasaid hárjehallama dahje várret hárjehallanbáikkiid dárbbášmeahttumit guhkit áigái.
- PT/fitnodatdoallis/ vástideaddji doaibmis galget leat iežas sihke áššehasmávssut máksojuvvon. Mávssekeahces mávssuid bearrat máhcevaččat njuolga PT:s/fitnodatdoallis/vástideaddji doaibmis.
- PT /fitnodatdoalli/ vástideaddji doaibmi ii oaččo jođihit joavkku sáles, almmá ahte lea várren oppa saji iežas atnui (esim. Circuit) ja dán dilis sadji láigohuvvo, lihkadansále haddelisttu mielde 40€/h. Joavkun rehkenasto badjel guokte olbmo.
- Jos gažaldagas lea máksočatnašupmi dahje eará vástideaddji doaibma, ášši birra ráđđádallo doaibmiid ja sadjeláigoheaddji gaskka.

Lihkadansálet/-hállat

Lihkadansáliid geavaheamis fitnodatdoibmii buhtastahtti doibmii, PT doibmii dahje eará vástideaddji lihkadan- ja jođihandoibmii, mas váldojuvvo áššehasas máksu, evttohuvvo lihkadansále haddin fitnodatdoibmii buhtastahtti doibmii 40€/h, goas lihkadansále lea fitnodatdoalli/doaibmi anus.

Fitnodatdoalli/doaibmi vástida sajiin ja biergasiin, ja lea geatnegas buhtadit, jos miinu bieđgana. Fitnodatdoalli/PT/doaibmi vástida dárbbášlaš oajuin doaimmas áigge nu alccesis go iežas áššehasaide.

Jos doaibma lea birra jagi dahjege jeavddalaš, masa lohkkovuvvo 1 vuorru/vk/lohkanjahki, sáhtá haddin evttohit 20€/diibmu. Dalle fitnodagas berrojuvvo sadjeláigu, vaikko ii geavahivččege saji juohke gearde.
(Jeavddalaš doaibma min. 20 vuorru/lohkanbadji).

*Gáregasnjárgga gorknodanseainni oasil sadjeláigu, láigohaneavttut ja haddi ráđđádallo sierra nu ahte dorvolašvuodaáššit váldojuvvojit vuhtii.

Ášši válmmaštalai: Asttuáiggečálli Tommi Kanala

Evttohus:

Čuvgehuslávdegoddi dohkkeha sadjeláigguid haddin álšasáliid oasil málle 2. sihke evttohusa lihkadansálet/-hállat oasil.

Nuppástusevttohus:

Čuvgehuslávdegoddi dohkkeha sadjeláigguid haddin álšasáliid oasil málle 2. sihke evttohusa lihkadansálet/-hállat oasil. PT dahje (vástideaddji) berre fuolahit, ahte sus sihke áššehasas leat álšasálemávssut (geardi/mb/jahkemáksu) dikšojuvvon dán lassin.

Mearrádus:

Nuppástusevttohus dohkkehuvvui.

Čuvgehuslávdegoddi

§ 151

27.09.2017

Virgelohpeohcamuš

200/01.01.01/2017

Čuvlg 27.09.2017 § 151

Tarja Länsman ohcá virgelobi luohkáoahpaheaddji virggis badjeskuvlla ávnnasoahpaheaddji bargguid geažil 8/2017 rájes.

Ášši válmmaštalai čuvgehushoavda-reaktor Laura Arola.

Evttohus:

Čuvgehuslávdegoddi miediha Tarja Länsmanii virgelobi ohcamuša mielde.

Mearrádus:

Go gearddi bargoplánaid ii sáhttán dohkkehit jorgalusaid váiluma geažil, sirdojuvvo čuovvovaš čoahkkimii.

Nuppástusohcangildosat

Gildosiid vuoddu	Čuovvovaš mearrádusain ii giieldalága 91 §:a mielde oaččo dahkat vuigengáibádusa iige gieldaváidaga, dasgo mearrádus guoská dušše válmmaštallama dahje ollašuttima Paragráfat 132, 135-138, 142, 145-148, 151
	Daningo mearrádusas sáhtá dahkat giieldalága 89 § 1 mom. mielde čálalaš vuigengáibádusa, de čuovvovaš mearrádusaide ii oaččo ohcat nuppástusa váidimiin: Paragráfat 133, 134, 139-141, 143, 144, 149-150
	Hálddahuslágageavahanlága (HallintolainkäyttöL) 5 § / eará lánkaásahusa mielde čuovvovaš mearrádusaide ii oaččo ohcat nuppástusa váidagiin: Paragráfat ja váidingildosiid vuoddu

Vuigengáibádusrávvagat

Vuigen- gáibádus- virge- oapmahaš ja áigi	Čuovvovaš mearrádusaide duhtameahtun olmmoš sáhtá dahkat čálalaš vuigengáibádusa. Virgeoapmahaš, geasa vuigengáibádus dahkkojuvvo, čujuhus ja boastačujuhus Utsjoen sivistyslautakunta Utsjoentie 46 as.2 99980 Ohcejohka/Utsjoki Paragráfat 133, 134, 139-141, 143, 144, 149-150 Vuigengáibádus galgá dahkot 14 beavvi siste mearrádusa diehtun oažžumis.
Vuigen- gáibádusa sisdoallu	Vuigengáibádusas galgá boahit ovdan gáibádus vuodustusaiguin ja dan galgá dahkki čállit vuollái.

Váiddačujuhus

Váidda- virge- oapmahaš ja váidináigi	Čuovvovaš mearrádusaide oažžu ohcat nuppástusa čálalaš váidagiin. Vuigengáibádusas addojuvvon mearrádussii oažžu ohcat nuppástusa gieldaváidagiiguin dušše dat, gii lea dahkan vuigengáibádusa. Jos mearrádus lea vuigengáibádusa geažil nuppástuvvan, de mearrádussii oažžu ohcat nuppástusa gieldaváidagiiguin maidái áššáiosolaš sihke gieldda lahttu.
	Váiddavirgeoapmahaš, čujuhus ja boastačujuhus Uksačujuhus: Davvi-Suoma hálddahusriekti/Pohjois-Suomen hallinto-oikeus Boastačujuhus: Isokatu 4, Oulu PL 189 90101 OULU Gieldaváidda, paragráfat Hálddahusváidda, paragráfat
	Eará váiddavirgeoapmahaš, čujuhus ja boastačujuhus Paragráfa
	Váidináigi 30 beavvi Váidináigi beavvi Váidináigi beavvi beavvi beavvi
	Váidináigi álgá mearrádusas dieđu oažžumis.

Laktojuvvo beavdegirjái

Váiddagirji	<p>Váiddagirjiis galgá almmuhit</p> <ul style="list-style-type: none"> - váidi namma, ámmát, ássangiella ja boastačujuhus - mearrádus, masa ohcá nuppástusa - main osiin mearrádusas váidá ja nuppástus, man dasa gáibida dahkat - nuppástusgáibádusa ákkat <p>Váiddagirji galgá váidi dahje váiddagirji eará ráhkadeaddji vuolláičállit. Jos dušše ráhkadeaddji lea vuolláičállán váiddagirji, de das galgá máinnašit maiddá ráhkadeaddji ássangiella, ámmáha ja boastačujuhusa.</p> <p>Váiddagirjái galgá laktit mearrádusa, mas váidá, álgoálgosažžan dahje virggi beales riektadin duođaštuvvon kopijian sihke duođaštusa dan beavvis, man rájes váidináigi galgá lohkojuvvot.</p>
Váidda- áššegirjiid doaimma- heapmi	<p>Váiddaáššegirjiid galgá doaimmahit váiddavirgeoapmahažžii ovdal váidináiggi nohkama. ležas ovddasvástádusain váiddaáššegirjiid sáhtá sáddet boastta dahje áirasa mielde. Bostii váiddaáššegirjiid berre guođit nu áiggil, ahte dat gerget boastit ovdal go váidináigi nohká.</p> <p>Váiddaáššegirjiid sáhtá doaimmahit maid: namma, čujuhush, boastačujuhush Paragrafat</p> <p>Váiddaáššegirjiid galgá doaimmahit ¹⁾: namma, čujuhush, boastačujuhush Paragrafat</p>
Lasse- dieđut	<p>Dárkilis vuigengáibádusráva/váiddačujuhush laktojuvvo beavdegirji váldosii.</p>

¹⁾ Jos doaimmahuvvo eará sadjái go váiddavirgeoapmahažžii.